

13. Oktober 2016

Kommunit kattunnerisa kingorna Naalakkersuisut malitseqartitsillutik aaqqissuusseq-qissinnaanissamat UKA2017-mut sinaakktissanik tunngavigisassanillu nassuiaasioqqullugit Inatsisartut aalajangiiffissaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Inatsisartunut ilaasortap Aqqaluaq B. Egede, Inuit Ataqtigiit aalajangiiffigisassatut siunnersuutaanut imaattumik Siumumiik oqaaseqarfigissuarput.

Kommuunit kattussuutsinneqarneranni anguniagaasoq tassaavoq innuttaasut sullinneqarneranni pisariitsumik eqaannerusumillu saaffissaqarnissaat. Minnerunngitsumillu pisortat suliaassarfiisa Namminersorlutik Oqartussaniit kommuuninut nussorneqarnissaat. Taamatut iliornikkut innuttaasut sullinneqarnerat pisariinerusoq sukkanerusorlu pisariaqartitaannillu naammassinniffiusinnaasoq anguniarneqarluni. Siunertaq tamanik isumalluarfigineqartoq anguneqarpat innuttaasut marloqiusamik sullinneqarnerat qaangerneqartussaalluni.

Maannakkut Kommunalbestyrelsi nammineeirluni aalajangiisinnaassuseqarnini malillugu allaffisornikkut aaqqissussinerit ingerlappai. Uggornartumilli inoqarfiit minnerit allaffissornerup pisariillisarniarneqarneranik siunertaqartumik ingerlanneqarnerisa kingunerisaanik sumiiffinni minnerni sukkasuumik pisariitsumillu minnerunngitsumillu pisariaqartitsilluni ikiorserneqarsinnaaneq kinguariarmat oqaatigineqartariaqarpoq.

Tamanna pissuteqarpoq Nunap immikoortuini pisortaqarfiit sanngiillisinneqarnerannik. Piginnaatitaaffiit siornatigut annertunerusimagaluartut millisinneqarnikuupput. Oqareernitsituulli tamatuma kingunerivaa saaffiginninneq sullinneqarnerlu innuttaasunik naammagineqanngittorujussuannorsimalluni.

Siunnersuut assorujussuaq soqutigaarput, taamaattorli qaleriaattumik oqaallinneq pisariaqanngimmat siunnersuuteqartup siunnersuutaanut Siumumiit paasinnilluaralualuta Oktoberip 24-ni imm.

UKA/117 – mut oqaluuserisassatsinnut oqaaserisassatsinnullu attuumassorujussuummat siunnersuut taamatut isikkoqartoq itigartipparput.

Jess Svane

Siumut